

Kua puāwai ngā pakihi Māori, he \$2 piriona te tipu o ngā rawa

I tipu ngā rawa a ngā manatū Māori i te tau 2014, he 15.5 ōrau te piki (\$2.0 piriona) mai i te tau 2013 kia eke ki te \$15 piriona, te kī a Tatauranga Aotearoa i tēnei rā. Koinei te tau tuarua i kaha tipu ai ngā rawa – i te tau 2013 he 13.7 ōrau te piki (\$1.6 piriona).

E whakaatu ana te [Tatauranga Umanga Māori 2016: Statistics on Māori businesses](#) i whakaputaina i tēnei rā, i tētahi tirohanga ki te kaha ōhanga o ngā manatū Māori 1,050. Koinei te rangahau whānui rawa o ngā pakihi Māori i Aotearoa.

“Ko tā ngā pakihi Māori me te whanaketanga ōhanga Māori hei kaikōkiri hira o te ōhanga o Aotearoatipu tonu,” te kī a te kaiwhakahaere Tatauranga Umanga Māori matua a Jason Attewell.

“Ahakoa kei te mau tonu i ngā rawa whenua, matua hoki, he koi ngā kōwhringa haumi kua tutuki i ngā manatū Māori mō te tipuranga anamata.”

Ko te puna matua o te tipuranga o ngā rawa a ngā manatū Māori ko ētahi atu rawa pēnei i te ngākaunui, ngā moko, ngā panga i ngā kamupene whai pānga, āpiti hoki, me ngā puka here, pūtea taurewa hoki.

Hei tā David Taipari, te tiamana o Te Tōnuitanga o Ngā Pānga Māori o Tāmaki Makaurau, “Mārama ana te kitea o te piki haere o te pakihi Māori, ā, he pai tēnei mō te katoa. E ai ki te rautaki taunaki a te Poari ki te whakawhānui i te pakihi Māori i tua atu i te rāngai matua, kei te nui haere ake ngā pakihi ake a ngā Māori i ngā rāngai hanganga me te ao rorohiko hei wāhanga nō te ōhanga Māori ahurei o Tāmaki Makaurau. I te mea ko Tāmaki Makaurau te tāonenui Māori nui rawa o te ao, e tūmanako ana mātou ka piki haere tonu tēnei āhuetanga.”

[Tirohia te Tatauranga Umanga Māori 2016: Statistics on Māori businesses](#) mō ētahi atu taipitopito.

[Tirohia te whakaaturanga Māori authorities and SMEs export to the world](#) mō tētahi whakaaritanga ā-kite o ngā tatauranga mō ngā pakihi Māori.



Jason Attewell, Te kaiwhakahaere Tatauranga Umanga Māori matua



David Taipari, [Independent Māori Statutory Board](#) tiamana (www.imsb.maori.nz)

Kua mutu

Mō ngā uiui pāpāho, whakapā atu ki: Jason Attewell (04) 931 4652, info@stats.govt.nz

Mō etahi atu pātai i te reo Māori, whakapā atu ki: Rhonda Paku (04) 931 4096

He mea whakamana nā Liz MacPherson, Kaitatau Kāwanatanga, 29 Pipiri 2016